

kontuola

KONTUOLA, Idolaz elkarte, ANTZUOLA. **Kazetaria:** Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 34 zenbakia. 1999ko martxoaren 26a.

Kalitatearen saria eman diote Zabalo Iturgintzari

ADC enpresak K21 saria eman zion martxoaren hasieran

ADC (Asociación para el Desarrollo de la Calidad) enpresak ematen duen K-21 saria eskuratu zuen Zabalo Iturgintzak, martxoaren hasieran. Eraikuntza arloan lanean ari diren enpresak arautzeko asmoarekin sortu zen ADC. Orain dela urte batzuk Iturgik, Gipuzkoako iturginen elkarteak, arlo honetako enpresa txiki edo ertainen lana aintzat hartzeko izendapen bat egon beharko litzatekeela erabaki zuen. Asmo horrekin egin zen Interistal kongresua 1995ean eta hortik atera da K-21 kalitate ziurtagiria.


Jose Angel Zabalok ADC-ekin egindako ikastaroeri esker bere lana eguneratu ahal izan duela aitortu digu. "Lehen ere kontuak garbi

eramaten saiatzen ginen, baina ezjakintasunak aurrera egitea oztopatzen zigun. Orain, ikastaro horretan egin behar izan dudana lan antolaketari esker, gauzak asko erraztu zaizkigu.

Gure lana hobeto ezagutzeko aukera daukagu eta horrek kontrol handiagoa izatera eramaten gaitu".

ETORKIZUNA HOBETU NAHI

1995ean, Iturgi elkarteak Interistal kongresua antolatu zuen, instalazioei buruz zituzten kezak argitzeko asmotan. Kongresu horretara CAPPEP Frantziako elkarte gonbidatu zuten. Elkarte horrek eraikuntza arloko araututako eskola dauka Frantzian. Jose Angelek dioen be-



Hemeretzi urte daramatza Jose Angel Zabalok iturgin lanean.

■ ■ ■
"Arazo handiena heziketan dago.
Jendeak ezin du inon ikasi gure lanbidea"



zala, "arlotxo honetako langileok daukagun arazo handiena heziketan dagoen hutsunea da. Jendeak ezin du inon ikasi gure lanbidea eta horrek beti atzeratuta egotera eramaten gaitu. Frantsesen esperientzia ezagutu genuenean Bergarako lanbide-heziketako eskolarekin harremanetan jarri ginen, han ere iturgin eskola eskaintzeko aukerarik egon zitekeen ikusteko. Ideia ona zela aitortu ziguten arren, ez da ezertan gauzatu eta guk eskolarik gabe jarraitzen dugu. Ez daukagu etorkizunik araututako eskolako jendearekin, ez baitago horretarako aukerarik".

KALITATEAREN BIDEAN

Interistal kongresuaren ondoren sortutako K-21 ziurtagiria izan da Jose Angelek azaldu digun bezala "gure sektorearen etorkizuna".

Hori dela eta, Foru Aldundiaren dirulaguntzaz 1997an ikastaroak eratu zituzten eta horiek gauzatzeko, ADC enpresa ere eratu zuen Iturginek. Baina



Zabalo Iturgintzaren denda.

ADC ez zen iturginen arlorako bakarrik sortu, eraikuntza arloko enpresa guztiak batu zituen, igeltseroak, harotzak, elektrikiariak, eta abar.

Zabalo Iturgintzak lortu duen ziurtagiria, beraz, eraikuntzan lan egiten duten bestelako gremioetako enpresari txiki eta ertainek ere lortu dute. ■



"Antzuolan instalazioak zaharrak dira"

K-21en bigarren maila gainditu duzue. Hirugarrenaren bila joango zarete?

Bigarrena erabat ezarri nahi dugu. Hori da aurtengo helburua. Batez ere, lanen balorazio kontrolean jardungo dugu. Gero hirugarrenera helduko gara.

Noiz eratu zenuen enpresa?

1980a arte familiaren enpresa zen. Orduan hasiera-hasieratik hori aldatzea erabaki nuen. Gure sektorean familiako enpresa asko dago, eta horrek etekinak neurtzeko orduan trabak eragiten ditu.

Zenbat lagun ari zarete lanean?

Uste nuen aberastasuna enpresa sendo bat eratze-tik etorriko zela, baina ezin dugu leihatu. Sistemak ez di-gu uzten horrelako kostuetan sartzen. Egun 14 lagun ari gara. Guztiak enpresan izango banitu "lurpean" egongo nintzateke. Lan denak kontratatatu behar izaten ditugu. Etxekoekin herriko lanak egiten ditugu.

Etxe berrien instalazioak zaharrenak baino txarra-goak dira?

Etxe merkeak lege aldetik araututa dauden arren ez daude kontrolatuta. Gutxieneko kalitatea beharko lukete izan. Pezetara joanez gero, akabo.

Herriko enpresentzat ere lan egiten duzue?

Bai, Elay eta Matz-Errekarekin lan egin izan dugu.

Non diharduzue lanean gaur egun?

Zumaian, Bergaran, Zaldibarren (Bizkaian) eta Antzuolan.

Zein egoeratan dago herriko uraren azpiegitura?

Antzuolan instalazioak zaharrak dira eta materialak ere zahartuta gelditu dira. Nire kezka da Urkulutik ura ekartzeko uraren instalazio berria eginda egotea. Bestalde, nire ustez, daukagun sarea enpresa eta zerbitzu publikoetarako erabili beharko genuke, erabiltzaileek ordainduta, eta beste sare bat egin beharko litzateke etxe-ko urarentzat. Uraren gaineko azterlan bat egin beharko litzateke.



**Euskal
sukaldaritza**

**Eguneko
menua**

Kalebarren 7, ANTZUOLA Tf. 943 78 71 12

AITZ-GARBI



**taberna
jatetxea**

**Pintxoak eta kazuelatxoak.
Bazkariak eta afariak**

Kalebarren 15. Tf. 943 78 70 51

igok eta Txomin

*Pintura orokorrean.
Paper, tela, binilo, kortxo-zoko... estaldurak.
Gotelesa, iztukuak eta
bestelako imitazioak.*

ANTZUOLA BERGARA
☎ 943 76 60 39 ☎ 943 76 19 98

Pala txapelketa zapatuan hasiko da

Zapatuan bertan hasiko da aurten go pala txapelketa. Bi maila egongo dira eta maila bakoitzeko lau lehenak izango dira finalerdietan eta guztira 30 norgehiagoka jokatu beharko dituzte bikoteek.

Maiatzaren 8an jokatuko dira finalerdia, eta finalak, berriz, maiatzaren 22an.

BIKOTEAK

Lehen mailan

- 1.- Tomas Jauregi-Gotzon Iparragirre
- 2.- Andoni Rodriguez-Santi Arin
- 3.- Angel Peñalba-I. Toledo
- 4.- Iker Manso-Ruben Iturbe
- 5.- Bittor Arbulu-Balentin Zabalo

Bigarren mailan

- 6.- Juan Tomas Garitano-I. Arana
- 7.- J. Garitano-J.I. Madariaga
- 8.- P. Errasti-I. Kortabarria
- 9.- Mikel Jauregi-Eneko Lizarralde
- 10.- J.S. Aristi-J.M. Aranburu



Iazko txapelketako partidu bateko une bat.

LEHEN ALDIKO EGUTEGIA Zapatuan, martxoak 27, hasita

	Martxoak 27	Apirilak 10	Apirilak 17	Apirilak 24	Maiatzak 1
10:00	1/3	6/10	3/5	7/8	2/5
10:45	4/5	7/9	1/2	6/9	3/4
11:30	6/8	1/5	8/10	2/3	7/10
12:15	9/10	2/4	6/7	1/4	8/9



Uzarragara igoera

Datorren domekan, martxoak 27, Uzarragako XXIV. igoera jokatu da. Gazte mailako lasterketa goizeko 10:00etan hasiko da. Iaz Sumofic taldeko Ander Agirrek lortu zuen garaipena, 47'33"ko denborarekin. Peña Aiastuik antolatzen duen lasterketa honetan aurten ere ez da herriko txirrindularirik izango. Bai ordea antzuolar batek, Iker Larreak, entrenatzen duen taldea. Sumofic taldean zortzi txirrindulari arituko dira Uzarragan, tartean iazko irabazlea, Ander Agirre.



Zurategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak

LARREA

TABERNA

Kalebarren 17
ANTZUOLA



Maria Angeles eta Eva dira Jubilatuen tabernako arduradun berriak.

Jubilatuen taberna berriz ere zabalik

Hiru salda, bi txorixo pintxo, mingainarena bat... honelakoak entzun ahal izango dira berriz ere Jubilatuen tabernan. Izan ere, joan zen asteburuan ireki zuten Jubilatuen taberna Mari Angelesekin eta bere alaba Evak. Gu domeka eguerdian egon ginen hantxe eta biek ere nahikoa lan zuten meza osteko saltsan.

Oraindik hasi berriak dira eta somatzen zaie. Uste baino lan gehiago izan zuten joan zen domekan, Evak dioen bezala "zezenak harrapatu gaitu oraingotan, baina hasiera guztietan pasatzen da. Ez genuen uste horrenbeste jende etorriko zenik. Orain badakigu, beraz, hurrengoan prest egongo gara".

Mari Angelesekin sukaldean eta Evak tabernan aritzeko asmoa daukate. "Hilabete eman dugu garbitzen eta dena ger-

ratzen" dio Mari Angelesek eta "gogoz hartu dugunez aurrera egingo dugu. Oraindik ikasten ari gara".

Jakin badakite biek ez dela lan makala. Izan ere, tabernak jendea ezagutu beharra dakar eta herriko erretiratuen gustuak asmatzea ere ez zaie erraza izango. Hori dela eta, "pazientzia izan behar da" dio Mari Angelesek.

BEZEROAK

Ama-alabek bestelako bezeroak izatea ere espero dute. Bazkari eta afariak prestatuko omen dituzte, "eguneko menuak eta bestelakoak eskainiko ditugu, baita kazuelatxoak eta antzekoak ere".

Eguerdiko 12:00etatik iluntzeko 20:00etara izango dute irekita jubilatuentzat. Egun bat jai hartzeko aukera ere izango dute biek, baina oraindik ez dute erabaki zein egun izango den.

Ondareak zaharberritzen

Herriko ondarea zaharberritzeko dirulaguntzak eskaini ditu berriz ere Udalak. Historia, arte, etnografia, arkeologia, zientzia, teknika edo kultura arloan duten garrantziagatik herriko kultura ondarea osatzen duten ondasunak zaharberritzeko dirulaguntza hauek jaso ahal izango dira, aurtengo martotik abendura bitartera egindako lanengatik.

Dagoeneko herritar batzuk jaso dituzte dirulaguntzak. Horietako batzuk amaitu dute lana, beste batzuk, ordea, oraindik badute zeregina. Dena dela, urtero agertzen da eskaera berriren bat.

Dirulaguntzak eskatzeko epea datorren hilaren amaieran bukatuko da. Beraz, horrelako lanen bat egin nahi duzuenok, adi!



Errotak ere zaharberritu dira.

GOROSTI
Taberna

☎ 943 76 62 96
Zurrategi plaza ANTZUOLA

DESKARGA
AUTOAK

Antigua auzoa z/g Antzuola.
Tf. 943 76 62 75

zabalo
IGELTSEROTZA

Jose Luis Zabalo

Birgaitzeak • Fatxadak

Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

LEKU-BERRI
MERENDEROA

Janariak eta edariak

Tf. 943 76 60 94